


Upućeni vozači – saznajte svoja prava i obaveze

Nova pravila o „upućivanju
vozača“ primjenjuju se od
2. februara 2022.



Vi ste upućeni vozač



Ako obavljate prevoz na ograničeni period u drugoj državi članici EU koja nije država u kojoj vaš poslodavac ima sjedište, a obavljate sljedeće poslove, vi ste upućeni vozač.

- **Kabotaža.** Poslodavac kod kojeg radite nema sjedište u državi članici EU u kojoj obavljate poslove unutrašnjeg prevoza.
- **Unakrsna trgovina.** Poslovi prevoza između dvije države članice EU, ili države članice EU i zemlje koja nije članica EU, a vaš poslodavac nema sjedište ni u jednoj od tih zemalja.
- **Putovanje bez tereta.** Putovanje koje se obavlja u vezi s kabotažom ili unakrsnom trgovinom i koje potpada pod pravila upućivanja.
- **Poslovi kombinovanog prevoza.** Ako je prvi ili posljednji dio kombinovanog prevoza posao unakrsne trgovine ili kabotaže, tada ste upućeni vozač samo kada obavljate taj prvi ili posljednji dio posla.

U slučaju provjere na cesti, morate biti u mogućnosti da pokažete inspektoru:

- kopiju izjave o upućivanju (elektronska ili papirna verzija);
- dokaz o poslovima prevoza koji se odvijaju u državi članici koja je vaš domaćin (npr. tovarni list) i
- tahografske zapise.

Vaš poslodavac se mora pobrinuti da su ovi dokumenti ažurirani i da su vama na raspolaganju.

Na koja primanja i druge uslove rada imate pravo?

Ako su ukupna primanja i uslovi rada bolji u državi u koju ste upućeni nego u državi u kojoj vaš poslodavac ima sjedište, onda imate pravo na viši nivo primanja i bolje



uslove rada. Ako taj nivo nije viši, onda se primjenjuju pravila zemlje u kojoj je sjedište.

Niste upućeni vozač

Ako obavljate bilo koje od sljedećih poslova prevoza, niste upućeni vozač.

- **Bilateralni poslovi.** Prevoz iz države članice EU u kojoj vaš poslodavac ima sjedište u drugu zemlju (unutar ili izvan EU), ili povratak iz bilo koje druge zemlje (unutar ili izvan EU) u državu članicu u kojoj vaš poslodavac ima sjedište.
- **Ograničene dodatne aktivnosti utovara i/ili istovara.** U državama članicama ili zemljama koje nisu članice EU a kroz koje ste prošli dok ste obavljali bilateralne poslove.
- **Tranzit.** Prelazak države članice bez ikakvog utovara ili istovara.
- **Putovanje bez tereta.** Ako se vaše putovanje odvija u vezi s bilateralnim poslovima.
- **Poslovi kombinovanog prevoza.** Ako je prvi ili posljednji dio kombinovanog prevoza bilateralni posao, niste upućeni vozač samo kada obavljate taj prvi ili posljednji dio posla.

Na koja primanja i uslove rada imate pravo?

Kada niste upućeni vozač, primjenjuju se nivoi primanja i uslovi rada u državi članici u kojoj vaš poslodavac ima sjedište.





European Labour Authority (Evropska agencija za rad)

Landererova 12, 811 09
Bratislava - Slovačka
info@ela.europa.eu

www.ela.europa.eu



Saznajte više na
portalu Vaša Evropa
(Your Europe)

© Evropska agencija za rad, 2022.

Ni Evropska agencija za rad (ELA) niti bilo koja osoba koja djeluje u ime ELA-e nije odgovorna za korištenje informacija navedenih u ovom dokumentu.

Reprodukcija je dozvoljena pod uslovom da se navede izvor. Za bilo kakvo korištenje ili reprodukciju fotografija ili drugog materijala koji ne potpada pod autorska prava ELA-e, dozvola se mora tražiti direktno od vlasnika autorskih prava.

Autorska prava za slike: © iStock.com/Hilch

Luksemburg: Kancelarija za službene publikacije Evropske unije, 2022.

Print ISBN 978-92-9464-813-6 doi:10.2883/569872 HP-01-22-237-BS-C

PDF ISBN 978-92-9464-807-5 doi:10.2883/185757 HP-01-22-237-BS-N